



Վահան Տերյան

Աղոթք

Քո պայծառ գահի անհաս բարձունքից

Մի՛ մերժիր սրտիս աղոթքը անբիծ ...

ՍԱՖՈ

Ես ընկա անդունդները խավար,

Իմ ցնո՛րք, նորից քեզ եմ կանչում.

Մոռացա ուղիներըս պայծառ,

Իմ սրտում դատը մութն է շնչում:

Դու անմութ աշխարհում ես ապրում,

Հիշի՛ր դու խավարում տանջվողին,

Քո սրտում արևներ են վառվում,

Արևիք սև կյանքիս մութ ուղին:

Հավիտյան ինձ քո սերն է այրում,

Դու լուսե՛ղ ... Ինձ խավարն է ճնշում:

Ես մեռնում եմ այս մութ վիհերում...

Հեռավո՛ր, քեզնից չեմ տրտնջում...

1904-1905